

## Universitätsbibliothek Paderborn

### M. Fabii Quintiliani Institutionum Oratoriarum Libri Duodecim

Summa diligentia ad fidem vetustissimorum codicum recogniti ac restituti

M. Fab. Quintiliani Declamationes Undeviginti. M. Fabii Avi Et Calpurnii  
Flacci Declamationes. Auctoris Incerti Dialogus De causis corruptae  
Eloquentiae - Cvm Variorum Notis

**Quintilianus, Marcus Fabius**

**Lugd. Batav. ; Roterodami, 1665**

CCCLXXII. Pulsator educatoris expositus.

**urn:nbn:de:hbz:466:1-12889**

re tuo. Itaque apparuerunt judicibus una omnia, & profuit tibi, quod abolitionem non optavi: apparuit certa innocentiae fiducia. Ergo advocatum tuum abdicas, participem laboris? de me facile est, inveniam patrem: sed tibi timeo, soles enim periclitari.

## CCCLXXII.

*Pulsator educatoris expositus.*

**Q**UI PATREM PULSAVERIT, MANUS EI INCIDANTUR.  
TALIONIS SIT ACTIO. Quidam expositum sustulit, pro filio  
educavit. Pulsatus ab eo, tanquam pater, manus incidit. Agnitus  
est adolescens: advocato naturali patre, cum educatore agit ta-  
lionis.

## DECLAMATIO.

**S**celeratissimus omnium, judices, juvenis, ingratus,  
vel quia lucem beneficio meo accepit: vel quia in pa-  
trem bis parricida est, semel domi, iterum in foro, quam  
merito cruentas perdiderit manus, si quis adhuc dubitat,  
aspiciat: iterum me in conspectu vestro pulsat: etiam  
truncus ac debilis, sola rabie integer, in miserum se-  
nem incurrit. Quid si haberet manus? ac ne quis illum  
coercitum poena putet, etiam audacior factus est. Debi-  
litas meam concupiscit, & ei praecipue corporis parti  
irascitur, per quam vivit. Fateor, judices, fateor prae-  
cidendas fuisse has manus, sed cum istum tollerent. Nec  
erubesco (quod ab isto minimum est) male audire, & cru-  
delitatis quoque reus fieri. <sup>1</sup> Sane crudelis me vocet: dum  
se ostendat: non timeo, ne istud in me crimen credibile sit,  
cum misericordiae meae adversarius ipse monumentum sit.  
Nam quod pater parricida adest, non miror: debili non  
timet, <sup>2</sup> aliquando crudelior, cum exposuit. Neque enim  
dubito

<sup>1</sup> Sane crudelis.] v. c. sane crudelitas-  
tem me vocet, dum ostendat. Pithœus.  
Sane crudelis me vocet, dum se ostendat.]  
Potius ostendit. Gronovius.

<sup>2</sup> Aliquando crudelior.] Forte: ali-  
quanto crudelior. Nisi malis: At quanto  
crudelior, cupi exposuit. Idem.

dubito quibusdam illum somniis & prodigiis commotum, quia videlicet <sup>1</sup> istum parricidam defungi utique in patrem fatale erat, ut se metu liberaret, projecisse. Ille ergo crudelis, judices, quem solus iste carnificem vocat, accessi miti vultu: misertus sum: ad summam, alienus sustuli, quem projecerat pater, nec contentus, filii loco habui. Quid hac indulgentia, quid, profecerim quæreritis? effeci, ne deesset, qui pulsaret senem: ille quem præsidio sustuleram, ille quem vindicem etiam adversus alienos speraveram, tam aperte pulsaverat, ut ne inficiari quidem posset. Stultus, eadem indulgentia etiamnum perseverabam, & quærerentibus amicis, à quo essem pulsatus, mentiebar. Quid tu, inquiunt, expectas, donec occidat? rapuerunt me in forum: ostenderunt verberati oris notas. Iste fassus est: judex damnavit: carnifex manus abstulit nihil in illo judicio meum, nisi fletus, fuit. Dum jactatur tota civitate parricidium, invenit impietas originem suam: en, ut videntis, iterum pulsat. Talionem, inquit, peto. Quid agis? crudelitatis arguis? quem saltem pulsavi? misereri soleo etiam alienorum. Ego te, cum meus essem, debilitavi: num per vinum? num per furorem? num iratus? Talio, injuriæ ultio est. in hoc scripta est lex, ne quis impune petulans sit. Hoc ergo dicis, Me injuria abstulisse: lege incidi: nec ego, sed carnifex. Quicquid lege factum est, vindicari lege non solet. Et quale lege? **Q U I P A T R E M P U L S A V E R I T.** Sed tu, inquit, pater non fuisti: puta: Judicia tamen judiciis rescindi non possunt.

## S E R M O.

*Hic de sanctitate judiciorum.*

## DECLAMATIO.

Sera post damnationem, innocentiae defensio est. Istud quod nunc dixisti, ante dixisses: sed non potuisti dicere. Pater tuus eram, jure præsentis conditionis. Abdicare ita-

que

Istum parricidam defungi utique in patrem.] Scribe: parricidio. Idem.

que potui: occidere potui: omnem potestatem, tanquam in filium, exercere. Miraris? nec ille potuit contradicere, qui pater erat. Non eras, inquit, naturalis. Tanto igitur plus merueram: alienum sustuleram, cum essent, qui suos projicerent. Sed ut non fuerim, tu tamen putasti patrem. Lex autem mentem punit. ut scias verum esse hoc, impetravi. Sed tu, inquit, sciebas non esse filium tuum. Poteram quidem scire: sed meritis pater eram, sed tu tanquam patrem cecideras. Sed testor, nolui: expositum quoque collegeram: indignati sunt amici: ipse fassus est. Quid nunc facies? præcides manus, quæ te sustulerunt?

## CCCLXXIII.

*Ornamentis redemptus.*

**A**BDICARE LICEAT. SEPULCRI VIOLATI SIT ACTIO.  
Amissa uxore, & defossis in sepulchro ejus ornamenti, superduxit filio novercam. Captus à piratis pater, de redemptione scripsit. <sup>1</sup> Morante filio, uxor à sepulchro prioris uxor, eruit ornamenta, & misit. Ob hoc à privigno sepulchri violati accusata, & damnata est. Pater reddit, & abdicat filium.

## DECLAMATIO.

**A**ntequam parricidium, inertiam objicio. Non es peregrinatus, etiam me peregrinante. coactus sum tuas vices sustinere. Sed dices non totam domum in periculum committi debuisse. remansisti, ut redimeres patrem captum: deseruisti: maximum crimen, imo parricidium. Quantum in te fuit, occisus sum, & gravissimis quidem tormentis. Neque est, quod paupertatem excuses: impietas fuit. <sup>2</sup> Moraris: & quid facis? ut sciam occisum accusas. Hoc vacat? & quam accusas? uxorem meam. Sepulchrum, inquit, violaverat. Quid ad te? mea injuria est:

<sup>1</sup> Morante filio. ] Vet. cod. orante, | occisum. Quid postea? sepulcri violati accusas. hoc adeone vacat. Anceps & per-

male. Pith. | culosa hæc corrigendi ratio. Fortasse: <sup>2</sup> Moraris. & quid facis? ut sciam occisum. ] Aerodius: Moraris: sed ad quid | Moraris. & quid facis, ut sciam te non  
hoc facis: ut scias me interim à piratis | otiosum? Accusas, hoc vacat? Gronov.